



PLANINARSKI SAVEZ FEDERACIJE BOSNE I HERCEGOVINE
MOUNTAINEERING UNION OF FEDERATION BOSNIA AND HERZEGOVINA

Mula Mustafe Baškije 63 - TC 'Nove Daire', 71 000 Sarajevo, Bosna i Hercegovina
tel.: +387 (0) 33 55 56 86, fax: +387 (0) 33 55 56 85, e-mail: psbih1@bih.net.ba

PRAVILNIK
KOMISIJE ZA SPELEOLOGIJU
PLANINARSKOG SAVEZA FEDERACIJE BOSNE I HERCEGOVINE

Broj: 203-12/16

19. NOVEMBAR 2016.

www.psbih.ba



Na osnovu člana 29. Statuta Planinarskog saveza Federacije Bosne i Hercegovine, Upravni odbor na svom zasjedanju dana 19.11.2016. godine donosi:

**PRAVILNIK
KOMISIJE ZA SPELEOLOGIJU
PLANINARSKOG SAVEZA FEDERACIJE BOSNE I HERCEGOVINE**

OPĆI DIO

Član 1.

Komisija za speleologiju Planinarskog saveza Federacije Bosne i Hercegovine (u daljem tekstu Komisija) brine se o razvoju speleologije i koordinira cjelokupnu speleološku aktivnost na području BiH u okviru planinarske organizacije, planira i organizuje speleološka istraživanja, organizuje stručne i naučne skupove i predavanja, radi na zaštiti speleoloških pojava, surađuje sa međunarodnim speleološkim udruženjima, federacijama i unijama.

Član 2.

Komisija je osnovana 1961. godine pod nazivom Komisija za pećinarstvo Planinarskog saveza BiH a baštini tradiciju organizovanih speleoloških istraživanja od 1912. godine kada je osnovano prvo speleološko udruženje u Trebinju »Mjesno društvo za istraživanje pećina«.

Član 3.

Komisija radi po općem Pravilniku o radu komisija Planinarskog saveza Federacije Bosne i Hercegovine broj 84-04/16 od 19.12.2015. godine.

Član 4.

Komisija uz amblem PS FBiH ima svoj znak – amblem. Znak je u obliku kruga na čijem rubu piše Planinarski savez FBiH i Komisija za speleologiju, u sredini se nalazi šišmiš crne boje na svijetlo plavoj podlozi. Znak se koristi isključivo zajedno sa znakom PS FBiH.

CILJEVI

Član 5.

Ciljevi Komisije su širenje i razvijanje speleologije u Bosni i Hercegovini, osposobljavanje za speleološke aktivnosti, stručna i naučna aktivnost vezana uz speleološka istraživanja i zaštitu speleoloških objekata (pećina i jama).

Član 6.

Ostvarivanje ciljeva iz člana 5. ovog pravilnika Komisija provodi na sljedeće načine:

- Širi i razvija speleološku aktivnost u okviru planinarske organizacije
- Otkriva i istražuje nove speleološke objekte
- Vodi evidenciju o stručnom kadru
- Organizuje kurseve, tečajeve, seminare i druge vidove stručnog usavršavanja
- Donosi program speleološkog školovanja



- Organizuje ispite za kandidate koji su stekli uslove za polaganje i sticanje speleoloških zvanja
- Saraduje sa naučnim institucijama i ostalim organizacijama zainteresovanim za speleologiju
- Radi na izradi katastra speleoloških objekata sa podacima prikupljenih od svih speleoloških sekcija i odsjeka u BiH
- Organizuje speleološke ekspedicije
- Saraduje sa međunarodnim speleološkim udruženjima
- Saraduje sa drugim stručnim komisijama u PS FBiH
- Saraduje sa gorskom službom spašavanja
- Promoviše prirodne ljepote kraškog podzemlja
- Informiše o svojim aktivnostima putem printanih i elektronskih medija
- Zastupa speleologe u međunarodnim i domaćim udruženjima

ČLANSTVO

Član 7.

Speleološka zvanja su:

- speleolog saradnik
- speleolog pripravnik
- speleolog
- speleolog instruktor

SPELEOLOG SARADNIK

Član 8.

Speleolog saradnik je svaki član speleološke sekcije (odsjeka/kluba) koji ispunjava sljedece uslove:

- da je učlanjen u speleološku sekciju (odsjek) pri PS FBiH
- da je aktivan član u matičnoj speleološkoj sekciji ili organizaciji
- da je navršio 15 godina, uz pismenu saglasnost roditelja (ako je mlađi od 18 godina)
- da ima otvoren lični speleološki karton.

SPELEOLOG PRIPRAVNIK

Član 8.

Speleolog pripravnik može postati svaki član speleološke sekcije (odsjeka/kluba) ako ispunjava sljedeće uslove:

- da je navršio 15 godina, uz pismenu saglasnost roditelja (ako je mlađi od 18 godina)
- da je uspješno završio speleološku školu prema programu školovanja Komisije
- da ima ukupnu dužina spuštanja u više različitih speleoloških objekata, bez ponavljanja 100 m, a od toga najmanje u jedan objekat od minimalno 20 metara vertikale
- da ima ukupnu dužina prolaza u istraživanim objektima veću od 500 metara bez ponavljanja



- da je učestvovao u topografskom snimanju objekata i da vlada tehnikom topografskog snimanja speleoloških objekata
- da ima uredno vođen i ovjeren lični speleološki karton.

SPELEOLOG

Član 9.

Speleolog može postati svaki speleolog pripravnik koji ispunjava sljedeće uslove:

- da je navršio 18 godina
- da je sudjelovao u najmanje 20 speleoloških istraživanja
- da je topografski snimio najmanje 10 speleoloških objekata, a od toga najmanje jedan vertikalni
- da ima ukupnu dužina spuštanja u više različitih vertikalnih objekata, bez ponavljanja najmanje 500 metara, a od toga 250 metara u novoistraženim objektima
- da ima spuštanje u jednu jamu veću od 50 metara
- da ima ukupnu dužinu savladanih više različitih horizontalnih objekata, bez ponavljanja najmanje 4.000 metara, od čega 1000 metara novoistraženih dijelova speleološkog objekta
- da ima uredno vođen i ovjeren lični speleološki karton
- da je odabrao dvije specijalnosti iz speleologije u kojoj se posebno razvija
- da ima položen stručni ispit za speleologa pred ispitnom komisijom.

SPELEOLOG INSTRUKTOR

Član 10.

Speleolog instruktora može postati speleolog koji ispunjava sljedeće uslove:

- da ima najmanje 3 godine aktivnosti u zvanju speleolog
- da je stažirao-asistirao na minimalno 3 speleološke škole
- da ima najmanje 10 samostalno organizovanih speleoloških istraživanja u zvanju speleolog
- da vlada znanjem koje odgovara tečaju za speleologa instruktora
- izrađen odobreni instruktorski rad i odbranjen pred ispitnom komisijom
- položen stručni ispit pred ispitnom komisijom
- verifikacija zvanja speleologa instruktora vrši se svake tri godine uspješnim pohađanjem specijalističkog tečaja.

Član 11.

Uslovi iz člana 8. i 9. se ne odnose na turistički uređene speleološke objekte.

Član 12.

Ispitnu komisiju za speleološka zvanja sačinjavaju 3 instruktora speleologije koju imenuje Komisija. U nedostatku instruktora, komisiju za speleološka zvanja mogu činiti 2 instruktora speleologije i 1 instruktora druge specijalnosti. Ispitna komisija radi po programu školovanja koji donosi Komisija.



Član 13.

Odluku o dodjeljivanju zvanja speleolog pripravnik donosi vodstvo speleološke škole, a Komisija ga potvrđuje diplomom o završenoj školi. Diplome izdaje i obezbjeđuje kancelarija PS FBiH i o tome vodi registar.

Odluku o dodjeljivanju zvanja speleolog i instruktor speleologije dodjeljuje Upravni odbor PS FBiH na osnovu zahtjeva Komisije za speleologiju i uspješno položenog praktičnog i teoretskog ispita pred ispitnom komisijom.

Član 14.

Za zvanje speleolog, PS FBiH izdaje diplomu i značku. Značka je okrugla i po rubu piše PS BiH i SPELEOLOG, u sredini značke se nalazi lik šišmiša crne boje na svijetlo plavoj podlozi. Na poleđini značke je ugraviran redni broj koji počinje od 100.

Napomena: Brojevi od 001 do 099 se ostavljaju slobodni za zaslužne speleologe koji su bili aktivni u periodu od 1961. do 2016. godine, a nisu dobili značke jer se nisu dodjeljivale. Spisak zaslužnih speleologa će se naknadno utvrditi.

Za zvanje speleolog instruktor, PS FBiH izdaje diplomu i značku. Značka je okrugla i po rubu piše PS BiH i SPELEOLOG INSTRUKTOR, u sredini značke se nalazi lik šišmiša crne boje na svijetlo plavoj podlozi. Na poleđini značke je ugraviran redni broj koji počinje od 01.

Član 15.

Ovaj Pravilnik stupa na snagu danom donošenja i objavljivanja.

Predsjednik PSFBiH
Zehrudin Isaković